

大善快問，我正欲說，汝今復問。善男子，若比丘、比丘尼、國王、太子、大臣、宰相、三公、百官、萬民、庶人、行慈孝者，皆應先爲所生現在父母，過去七世父母，於七月十五日佛歡喜日、僧自恣日，以百味飯食安孟蘭盆中，施十方自恣僧，願使現在父母壽命百年、無病、無一切苦惱之患，乃至七世父母離餓鬼苦，生人天中，福樂無極。是佛弟子修孝順者，應念念中常憶父母，乃至七世父母。年年七月十五日，常以孝慈憶所生父母，爲作孟蘭盆，施佛及僧，以報父母長養慈愛之恩。

佛說泥犁經

佛言：我見天下人，不孝父母、不承事沙門、婆羅門、不敬長老、不畏事、不畏今世後世、不驚不恐者，如是輩人，死即入泥犁，與閻王相見。即去惡就善，主泥犁卒，名曰旁旁，即將人導至閻王所。泥犁旁白言：此人於世間時，爲人不孝父母、不承事沙門、婆羅門、不敬長老、不喜布施、不畏今世後世、不畏禁戒，

願王處是人過罪。王即呼人前，對之言：若爲人時，於世間不念父母養育，若推燥居濕，乳哺長大，若何以不孝父母？其人即對言：我實愚癡憍慢。王言：處若罪過者，非若父母、非天、非帝王、非沙門、婆羅門過，若身所作，當自得之。

菩薩本業經

孝事父母，當願眾生，一切護視，使得佛道。

最勝佛頂尊勝陀羅尼淨除業障經

天地、父母、眾僧，不應輕毀，理當尊重，恭敬供養，軟語稱讚，常念其恩。三界慈愛，唯有父母。三世福田，不過眾僧。如八輩真僧、十二賢聖，供養之者，不虛功德。欲求出世，進可成道。寧應僧處輒生欺語。父母生養，劬勞辛苦，十月妊娠，三年乳哺，長養教誨，艱憂備盡，冀其成立，才藝過人。又望出家，度